

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: 02-02-346/23
Mostar, 23.11.2023. godine

IZVOD IZ ZAPISNIKA
sa osme (VIII) redovne sjednice Skupštine
Hercegovačko-neretvanskog kantona

Sjednica je održana dana 23.11.2023. u sali Skupštine Hercegovačko-neretvanskog kantona u Mostaru s početkom rada u 11:00 sati.

Sjednicu je otvorio Džafer Alić predsjedavajući Skupštine Hercegovačko-neretvanskog kantona.

Prisutni: Džafer Alić, Daniel Babić, Slavko Bilić, Marija Bošković, Ivana Buntić-Jovanović, Damir Džeba, Josip Grbavac, Sadina Hejub, Omer Hujdur, Salmir Kaplan, Zoran Krešić, Harun Kurtović, Nedžad Maksumić, Irma Memidžan, Tomislav Martinović, Marija Matuško, Zoran Mikulić, Danijela Mišura, Kemal Muratović, Ivan Odak, Oliver Soldo, Dragica Suša, Vesna Šunjić, Mirko Vasilj, Nermin Vrtić, Arman Zalihić, Vesna Saradžić, Zora Dujmović, Iva Raguž i Ismet Lulić.

Odsutnih nije bilo.

Konstatovano je da je na sjednici prisutno **30** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici Kantonalnog javnog pravobranilaštva, predstavnici Tužilaštva HNK, predstavnici Kantonalnog suda Mostar, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Otvorena je rasprava po pitanju zapisnika sa 6. redovne, 7. redovne i 1. vanredne sjednice Skupštine HNK.

U raspravi nije nitko učestvovao.

Obavljeno glasanje o zapisnicima sa 6. redovne, 7. redovne i 1. vanredne sjednice Skupštine HNK.

Nakon glasanja konstatovano je da su zapisnici jednoglasno usvojeni.

Predsjedavajući Skupštine HNK Džafer Alić obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Otvorena je rasprava po prijedlogu dnevnog reda.

U raspravi su učestvovali: Mirko Vasilj, Ivan Odak, Arman Zalihić, Džafer Alić, Vesna Šunjić i Marija Buhač predsjednica Vlade HNK.

Poslanik Mirko Vasilj uputio je zahtjev da se sa dnevnog reda povuče druga tačka dnevnog reda koja glasi: 2. Prijedlog Odluke o pristupanju izradi dopune Prostornog plana HNK. Kao razlog je naveden nepotpuna dokumentaciju, odnosno nepotpuno pripremljena tačka dnevnog reda.

Poslanik Ivan Odak uputio je zahtjev za dopunu dnevnog reda vezano za trenutnu situaciju u zdravstvu te pregovorima između pregovarača Vlade HNK i štrajkaškog odbora.

Uslijedila je **pauza** od 5 minuta.

Nakon pauze predsjedavajući Skupštine HNK Džafer Alić izvjestio je poslanike da Kolegij Skupštine HNK nije prihvatio zahtjev poslanika Mirka Vasilja da se s dnevnog reda povuče druga tačka dnevnog reda koja glasi: 2. Prijedlog Odluke o pristupanju izradi dopune Prostornog plana HNK, kao ni prijedlog poslanika Ivana Odak za dopunu dnevnog reda vezano trenutnu situaciju u zdravstvu.

Predsjedavajući Skupštine HNK Džafer Alić predložio je slijedeći dnevni red kojeg je utvrdio Kolegij Skupštine:

- 1. Poslanička pitanja**
- 2. Prijedlog Odluke o pristupanju izradi dopune Prostornog plana HNK,**
- 3. Odluka o usvajanju Izvještaja o radu Kantonalnog javnog pravobranilaštva HNK za 2022. godinu.**
- 4. Izvještaj o radu Tužilaštva HNK za 2022. godinu.**
- 5. Izvještaj o radu Kantonalnog suda Mostar za 2022. godinu**

Obavljeno je glasanje po prijedlogu dnevnog reda sa 8. redovne sjednice Skupštine HNK.

Nakon glasanja konstatovano je da je sa 23 glasa „Za“, 5 „Protiv“ i 2 „Suzdržana“ glasa usvojen prijedlog dnevnog reda sa 8. redovne sjednice Skupštine HNK.

1. Poslanička pitanja

Omer Hujdur:

Poslaničko pitanje br. 1 upućeno Vladi HNK:

Na koji način i kada Vlada planira riješiti problem zdravstvenih radnika HNK kantona i koji su konkretni koraci po ovom pitanju?

Poslaničko pitanje br. 2. upućeno Vladi HNK:

Da li zdravstveni radnici u HNK imaju najniža primanja u odnosu na zdravstvene radnike drugih kantona i zašto. Koji su koraci Vlade i resornog ministarstva po pitanju rješavanja problema regionalne deponije u HNK?

Poslanička inicijativa br. 1:

Tražim da se demobilisani borci kao jedna od ugroženijih kategorija stanovništva oslobode plaćanja premije osiguranja markica.

Poslanička inicijativa br. 2:

Tražim da se u budžet za sljedeću godinu uvrsti stavka stipendiranja srednjoškolaca za deficitarna zanimanja.

Vesna Šunjić:

Poslaničko pitanje br. 1 upućeno za gospođu Romanu Pelajić, predsjednicu upravnog odbora Zavoda za javno zdravstvo:

Molim da mi dostavite sljedeću informaciju. Posljednji predloženi program zdravstvene zaštite, mjere koje zavod provodi za sprječavanje ranog otkrivanja i suzbijanja ovisnosti o alkoholu i kocki. Posljednji izvještaj o poslovanju zavoda, na koji način zavod osigurava da korisnicima usluga pruži obim i kvalitet utvrđen standardima i normativima zdravstvenih usluga.

Poslaničko pitanje br. 2. upućeno Adnanu Velagiću, ministru obrazovanja, znanosti, kulture i športa HNK:

Molim da mi dostavite sljedeće informacije. Broj djece školskog uzrasta u HNŽ koji imaju dijagnosticiran poremećaj pažnje s hiperaktivnosti, jezične poteškoće, disleksija, disgrafija, diska kulija. Poremećaj spektra autizma. Popis stručnog osoblja u osnovnim i srednjim školama grada Mostara koje educirano i nadležno za podršku u nastavi za djecu koja imaju dijagnosticiran poremećaj pažnje s hiperaktivnosti, djecu koji imaju poremećaj spektra autizma. Koliko je ukupno asistenata u nastavi koji pružaju podršku učenicima s navedenim poremećajima. Na koji način se osigurava podrška usklađivanju navedenih poteškoća.

Poslanička inicijativa br. 1 upućena Mariji Buhač predsjednici Vlade HNK:

Uspostava ureda za suzbijanje korupcije. Ured za suzbijanje korupcije vrši stručne operativne i administrativno tehničke poslove u vezi s aktivnostima na prevenciji korupcije kao i prikupljanju podataka i prijavljivanju nadležnima uočeni koruptivni aktivnosti.

Poslanička inicijativa br. 2 upućena Mariji Buhač predsjednici Vlade HNK:

Tražimo od Vas da do kraja prvog tromjesečja 2024. godine na sjednici Skupštine HNK prezentirate detaljan akcijski plan mjera za prevladavanje nastavno na izvještaj financijskoj reviziji HNŽ/K za 2021. godinu, koji je izdao ured za reviziju institucija federacija u rujnu 2022 godine.

Ivan Odak:

Poslaničko pitanje upućeno Vladi HNK:

Da li je Vlada konačno imenovala ravnatelja, odnosno ravnateljicu ZZO HNŽ?

Mirko Vasilj:

Poslaničko pitanje upućeno Mariu Mariću, ministru unutrašnjih poslova Vlade HNK:

Hoće li dolaskom nove Vlade i Vas kao ministra napokon početi se primjenjivati zakon o policijskim službenicima HNŽ, točnije, hoće li se početi raditi obvezni sistematski pregledi za sve djelatnike Mupa HNŽ.

Poslanička inicijativa br. 1:

Inicijativa je raskid ugovora o koncesijama za izgradnju mini hidroelektrana na Buni i kamenoloma Kuti Livač a u skladu sa zaključcima gradskog vijeća Mostara o brisanju iz prostornog plana.

Poslanička inicijativa br. 2 upućena Adnanu Velagiću, ministru obrazovanja, nauke, kulture i sporta HNK:

Naime radi se o inicijativi da se uskladi zakon o predškolskom odgoju u HNŽ sa federalnim zakonom.

Danijela Mišura:

Poslaničko pitanje upućeno Adnanu Velagiću, ministru obrazovanja, nauke, kulture i sporta HNK:

Gospodine ministre zanima me kako i kada namjeravate riješiti problem zapošljavanja djelatnika u prosvjeti na određeno radno vrijeme?

Sadina Heljub:

Poslaničko pitanje upućeno prema Ministarstvu trgovine, turizma i zaštite okoline HNK:

Šta u narednom periodu planira uraditi ministarstvo za zaštitu okoliša u zaštiti rijeke Neretve od otpadnih voda iz postrojenja metalne industrije.

Poslanička inicijativa upućena Vladi HNK:

Tražim od Vlade da se u narednom periodu obezbjede sredstva za rekonstrukciju regionalnog puta R435 Konjic, Boračko jezero, a posebno dionica puta od gradske zone do Ulice branilaca Konjic.

Salmir Kaplan:

Poslanička inicijativa upućena ministarstvu unutrašnjih poslova Vlade HNK:

Inicijativa da se izmijene pravilnik unutrašnje organizacije na način da inspektori mogu biti samo kriminalističke, pravne ili ekonomske struke.

Damir Džeba:

Poslanička inicijativa:

Ja bih podnio jednu inicijativu da se svim zastupnicima u ovoj skupštini dostavlja u elektroničnom obliku izdanje narodnih novina HNŽ/K.

2. Prijedlog Odluke o pristupanju izradi dopune Prostornog plana HNK

Obrazloženje je dala Marija Buhač, predsjednica Vlade HNK.

Otvorena je rasprava.

U raspravi su učestvovali: Marija Bošković, Danijela Mišura, Omer Hujdur, Salmir Kaplan, Mirko Vasilj, Ivan Odak, Oliver Soldo, Zoran Krešić, Vesna Šunjić, Tomislav Martinović, Slavko Bilić i Nedžad Maksumić.

Ispred Komisije za istovjetnost tekstova na jezicima konstitutivnih naroda i informisanje obrazloženje dala Marija Bošković, predsjednica iste: Komisija je održala prvu radnu sjednicu te konstatovalo da nema primjedbi po ovoj tački dnevnog reda.

Ispred Komisije za graditeljstvo, prostorno uređenje i zaštitu okoline obrazloženje dala Danijela Mišura, predsjednica iste: Komisija je održala prvu radnu sjednicu, razmotren je Prijedlog odluke o pristupanju, izradi i dopune prostornog plana HNK i zaključeno je da je ista urađena sukladno Zakonu i svi članovi povjerenstva su suglasni da ova tačka bude dio dnevnog reda.

Obavljeno je glasanje o Prijedlogu Odluke o pristupanju izradi dopune Prostornog plana HNK.

Nakon glasanja konstatovano je da je većinom glasova „Za“, uz 5 „Suzdržanih“ glasova usvojen Prijedlog Odluke o pristupanju izradi dopune Prostornog plana HNK.

3. Odluka o usvajanju Izvještaja o radu Kantonalnog javnog pravobranilaštva HNK za 2022. godinu

Obrazloženje je dao Vlado Bevanda, kantonalni javni pravobranilac.

Otvorena je rasprava.

U raspravi su učestvovali: Omer Hujdur, Vesna Šunjić, Slavko Bilić, Ivan Odak, Mirko Vasilj, Tomislav Martinović i pravobranitelj Vlado Bevanda.

Ispred Kluba hrvatskih poslanika Slavko Bilić predložio je slijedeći Zaključak:

Zadužuje se Ministarstvo finansija odnosno Vlada HNK da tijekom kreiranja i izrade Budžeta za 2024. godinu, planira povećanje finansijskih sredstava za Kantonalno javno pravobranilaštvo, kako bi se osigurali bolji materijalni i tehnički uslovi te u konačnici doprinjelo učinkovitijem radu i rezultatima.

Obavljeno je glasanje o Odluci o usvajanju Izvještaja o radu Kantonalnog javnog pravobranilaštva HNK za 2022. godinu.

Nakon glasanja konstatovano je da je većinom glasova „Za“, uz 4 „Suzdržana“ glasa usvojena Odluka o usvajanju Izvještaja o radu Kantonalnog javnog pravobranilaštva HNK za 2022. godinu.

Obavljeno je glasanje o navedenom Zaključku predsjednika Kluba hrvatskih poslanika Slavka Bilića.

Nakon glasanja konstatovano je da je sa 25 glasova „Za“, 1 glas „Protiv“ i 3 „Suzdržana“ glasa usvojen navedeni Zaključak.

4. Izvještaj o radu tužilaštva Hercegovačko-neretvanskog kantona za 2022. godinu

Obrazloženje je dao Zdenko Kovač, glavni kantonalni tužilac.

Otvorena je rasprava.

U raspravi su učestvovali: Ivan Odak, Damir Džeba, Salmir Kaplan, Vesna Šunjić, Omer Hujdur, Mirko Vasilj, tužitelj Zdenko Kovač i Tomislav Martinović.

Zamjenik predsjedavajućeg Skupštine HNK Tomislav Martinović predložio je slijedeći Zaključak:

Zadužuje se Vlada HNK da u Budžetu za 2024. godinu planira sredstva te odobri Kantonalnom tužilaštvu prijem 6 (šest) nedostajućih stručnih saradnika.

Zadužuje se Vlada i Kantonalno tužilaštvo da Skupštini dostavi konačan i cjelovit izvještaj o provedbi ovog Zaključka.

Zaključak stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Predsjedavajući Skupštine HNK Džafer Alić obavijestio je poslanike da se o tački Izvještaj o radu tužilaštva Hercegovačko-neretvanskog kantona za 2022. godinu ne glasa nego se navedeni Izvještaj prima k znanju.

Otvorena je rasprava o navedenom Zaključku kojeg je predložio zamjenik predsjedavajućeg Skupštine HNK Tomislav Martinović.

U raspravi nije nitko učestvovao.

Obavljeno je glasanje o navedenom Zaključku.

Nakon glasanja konstatovano je da je većinom glasova usvojen navedeni Zaključak.

5. Izvještaj o radu Kantonalnog suda Mostar za 2022. godinu

Obrazloženje je dao Zoran Krtalić, predsjednik Kantonalnog suda u Mostaru.

Otvorena je rasprava.

U raspravi su učestvovali: Vesna Šunjić i Zoran Krtalić.

Predsjedavajući Skupštine HNK Džafer Alić obavijestio je poslanike da se tačka Izvještaj o radu Kantonalnog suda Mostar za 2022. godinu prima k znanju.

Sjednica je završila s radom u 16:30 sati.

PREDSJEDAVALAČI

Džafer Alić